

錢海岳撰

南明史

第十四冊

中華書局



三

南明史

一



錢海岳撰

南明史

第十四册 列傳
卷一百九至卷一百二十

中華書局

南明史卷一百九

列傳第八十五

無錫錢海岳撰

隱逸一

楚壯士 朱之元 黃良 謝璣 季熙 陳璿 程莘樂 金呂等 徐開呂 方時俊 何炎等 羅孚尹
等 胡虞逸 吳琦 徐研 李若傑等 朱胤昌 楊炯伯 王瑄 高勅 王晉錫 宣宗鏡 張士驥 讀體
周鼎昌 彭銓 鍾鼎等 湯泰亨 鍾龍期 史顯典 伊密之 宋之銍 陳丹等 吳國俊 于汝經 胡
蛟之 徐一鵬 孔興伯 夏士豪 孫越 王錫襟 湯之孫等 如是 張達 陳所學 夏芳鮮 薛畹 顏
天表 鄭繼藩 夏疇 崔植 田治 季生 大健 秦岢霖 于美鍾 周士甲 劉元祥 馬宇陽 蔣清
賀迓衡 姜大珩等 孫宏孝 荆象衡 于鑰 湯勵行 吳拱宸 鄒繼思 茅大用 楊龐 董虎山 沙
一卿 彭遠 于鑛 馮宇昭 高東生 史元袞 鄧汶 孫太初等 祁天永 吳洪裕 潘紹顯等 儲福

疇等 黃麟聚 王士疑 翟振龍 李亦人等 孫夢簡 史君爽 史潔理 陳貞祥等 吳喬森等 任大烈
路迪 鄧秉貞 吳永祺 吳固本 王鳴九 路登庸等 何士林 儲弼明 李盛時 張天挺 惲于邁
張戴 巫大章 孫駿聲 黃章 李高桂 錢桂森 莊元登 卞煥文 唐獻恂等 許之溥 陳敬等 管默
思 徐純忠 徐臨等 靜子 大愚 張玉 周天游 葉大疑 華允訥 鄒元檄 陳昂 薛瑾等 周惠
申 王永嘉 秦德涯 錢仲選 秦德湛 邵應奎 辛陞等 李仍枝 樂莘等 張遜 秦孝維 陶一夔
王世楨 朱寅 楊維寧 許甲 身本 雌雌兒 打卦者 刺船髯 劉蓼雪 朱士烈 程如嬰
湯肇元 陳宗虞 徐登階 黃鍾 丁文瑗 徐孔芳 陸蘇 陳潔 陳景 程萬里等 葛天民 邢衡 陳
廷策 高愈簡 湯仲曜 夏世楨 季永禹 譚琦 劍庵 孝丐 侯溥 朱廷楫 趙時 韓馨 張奕
陸志熙 胡汝潛 王屏 劉羽儀 朱永馨 朱鶴等 周宸錫 吳時琚 陸燕喆 金璵 金瑞華 王永熙
顧熙 吳時德 顧大綱 蘇開 王德貞 沈頌 金汝瑚 葉向日 嚴祇敬等 夏髯叟 智旭 德濟
曹棟 張珍等 楊肇祉 顧國本 張我成 袁扉 王岫 蔣鉉 趙維垣 徐秉淳 吳簽 丁周召等 郭
庶 吳梅 夏九功 顧其蘊 陳匡國等 陳濟楨等 沈璜 陳鏞 王弘度 莫怡 丘三進 張舜臣 德
玄 大拙 顧伶 紙衣翁 唐老老 雪平 朱國章 徐元 龔廷煥 歸士瑄 時叡 朱爲絃等 陳
如籟 陸鉞 鄒聞望 褚道潛 韓雪 王維寧 葛鼎等 周鑑 張立廉等 陸世鑿 魏文心 周鈿 支
萬春 李嘉慶 徐開法 呂天裕 陳用牧 周鐸 顧葉墅 顧蘭服 歸子裕 夏元圭 朱述善 方南龍

顧升輔 金遜 周楫 王掄春 吳元冲 諸士儼 朱汝礪 王洄 鄭伯昌 陳奇謨 葉宏儒 朱以寧
 丘萬垓 方成龍等 曹夢元 朱尚 陳觀 蔡方煊 任騏等 顧冲 衛卷 本體 智水 錢琳 龐宇
 椒等 黃光昇 吳允夏 鄒潔 徐錚 周宸錫 沈皇玉 吳文燦等 葉華 吳欽明 顧家燠 湯豹處
 朱鑑 吳奇等 葉舒芑 炤影 蔡海寧 華山僧 哭道士 錢嘉泰 黃甘節 顧其康等 楊灝 施于
 德等 王二麻 劉四公 趙自新 周杰 周敏成 華乾龍 金達盛等 陸義賓 顧士樾 陳三錫 郭
 士髦等 費參 朱金瑞 呂愷 陸世榆 陸發等 張于允 行悅 申艇 吳自惺 趙世鼎等 盛萬紀
 封昞 蘇震 陸琳 朱湘 奚昌祚 沈卜琦 金汝鉉等 蘇澆 周詩 范光裕等 陳忠等 金氏備 赤
 足僧 明道人 唐鉉 弟鎔 徐纘高 周維熊 唐鳴求 陳爾振 龔志楷等 唐孟融 朱履升 徐開
 何潤等 吳懋謙 沈楫 周兆龍 李世邁 潘懋毅 盛國芳等 徐佺 金癡 范啟宗 楊時儼 袁蘇
 等 徐崑瓊 胡元諒 周楨 周規 謝球孫 周雅廉 盛翼進等 慧解 宏歇 郭開泰 王昌紀 孫芝
 秀等 陸景俊 杜啟徵等 張勃 王本中 趙道人 孫彥朝 黃思誠 陳謨 黃隱君 馬靖 陸慶臻
 袁天麟 沈穀 陶獨 無名生 瞿時行 顧鐸 謝良瑜 馬賓 張大來 謝承貴 姜生齊 姜雪蒼
 彭了凡 王錫命 鄭燾 王中美等 張奇帶 韓爾藝 彭深 季來之 盧餗 劉仲一 吳世式 范可裕
 石函玉 溥暉 李又白 錢岳 孫閔奎 保萬齡 李翀 江行芳 馮一蛟 無住 李生 宋蘇等
 姜長榮 陳景星 徐明德 司應毅 陳明治 劉奮翀 孫光國 江之淵 董宗楊 王之藎 王捷 陸遜

高踰駢 王應中 武玄默 廟灣十老 李淦 徐州瞽 祖嵩 孔尚則 吳邦倚 大樽 張景厚
史選厚等 朱燃 謝文衡 劉本灝等 楊端尚 蔣日章 方遠 弟勳 王國光 張翀 盛民光等 李
引年 周允升 張肇元 王正純 李東生 楊鴻烈 陳煥 任柔節 劉芳節等 李長庚 曹永鼎 徐履
方 張問政 譚策等 任之俊 潘世美 王加龍 石門 任天毓 徐自昇 王顯龍 黃應健 柯滙等
劉廷展、劉從周 陸品 錢若愚等 曹大復 尹君奇 韋尚賓 余有珩 段一定 鄭萬合 董中義等
方氏子等 咎弘祖 方應徵 蔣延祐 汪之順 范又蠶 任之燦 許雯 王彭年 劉漢 周康祀 鄧
廣森 張載 戴孟莽 胡吳祚 張廷玠 謝國楨 左銳 洪明瑞 馬之瑜 吳世宦 王繼統 夏承春
孫如蘭 曹維周 吳梅榔 陳文露 高映斗 劉餘芳 劉漢幟 馬開先 章于國 阮聖士 詹之申 章
乾端 吳莊 余孔敬 龍應鼎 周孔修 周室珍 周自新 張宏開 陳善 呂堵 張純仁 蔣汝煦 吳
一夔 吳夏明 賀朝官等 王學箕 強鵬鳴 俞一震 孫烈 孫鳴鳳 濮陽士京 梅枝起 麻三言等
吳一元等 查志成 陳眉 吳元功 包克剛 曹希冕 包應暘等 楊烜 大嵩 吳偉儒 胡殿邦 江
有衡 朱鴻祚 周萬年 戴玄鑑等 李一堂 方志勳 程袞 項士文 邵堯 項士國 吳昌祚 傅光斗
魯若參等 郝一楷 呂瓚等 方一貫 章正之 王心睿 李嘉 陳錦襄 鮑師榜等 曹甸 桂定淮等
柯青等 王之璘 寧三晉等 江允鸞 寧侗 錢衡範 余璽等 戴君榮 陳自洵等 金學重 柯士藻
等 江桓 李蒼堂 鮑光義 陳淑思 采薇子 方允煥 汪弘淦 程檟等 江國茂 程觀生 鮑登明

程白玉 吳雯炯 吳道配 余晟 汪溥 閔鼎等 吳周等 汪鯉 姚潛 吳快士 黃家祉 鮑正元
葉魯白 程文翊 羅正邦 黃律等 汪元履 汪宗孝 孫勝鼎 王甲 汪雲外 程一林 朱元泰 朱之
讓等 巴文 王日省 程國俊 孫丕垣 吳文冕 曹鳴鶴 吳顯 董維嶽 胡之震等 戴元侃 查潛
余紹楨 吳雲 程宏遂 潘光卿 王環石 王文化 吳寅等 章佐聖 汪文錫 謝詰 舒斌 王楫 汪
洪道 周士遷 胡恢先等 王樾 夏倫等 戈琮 夏君信 李應琴等 史大綱 行果

楚壯士，年未二十，質頹然甚弱也。崇禎十七年秋，奉母避亂南京。或叩其姓，曰：「我楚人也，姓楚耳。」問其名，曰：「我壯士也，名壯士耳。」家貧，不事生業，時乞食市上養母。市人笑其顛，壯士亦笑曰：「我顛也。」冬十月，京營大閱畢，壯士鼓掌大笑，笑罷大哭。走入場，場列石鼓二，各重四五百斤，挈而壘之，雙手挾二石鼓，周行場中數匝，還分列。再登堂，取架上刀可六七十斤，提場中盤舞。舞罷又大哭，哭罷又大笑。有言於馬士英者，召之。笑曰：「國賊耳！將取其血淬吾刀。」亡去。弘光元年春，趙之龍募勇敢，應之，頃匿去。張國維掌戎政，欣然謁轅門。有偉男子鬚眉戟豎，繡服錦幘，佩刀坐轅門主謁。壯士敝衣冠，足躡蹠破革烏，揖偉男子而進。偉男子顧而笑曰：「是頹然者，奚謁焉？」壯士奮起，取壁上勁弓二並握，一開二弓俱折，見者皆驚駭。偉男子竟不與晉謁，壯士忽發大哭，

取所折弦走。翌日，自經死功臣廟。

朱之元，字龍江，上元人。任俠好義。參左良玉軍，勸應楊嗣昌調，不聽，歸。良玉在九江，之元上謁，請受呂大器約束；餽米千石盡散饑民。馬士英聘之，不應。南京亡後卒。同時應天諸屬多隱逸士：

上元黃良，字圯儒，崇禎十二年舉於鄉。上書高弘圖、姜曰廣，與阮大鍼忤，隱東流。

謝璣，字在之，諸生。負經世才。大飢，振活萬人。江浦警，立保甲鄉兵。上書史可法請罷四鎮。南京亡，去田宅，麻巾入寶陽山中。歲三月十九日，爲位號出聲。久之卒。

季熙，字瑞臣，去諸生，研易。

陳璿，字敬王，去諸生，隱攝山。精研理學，卒年八十六。

程莘樂，字任之，去諸生，倡建紫陽書院杭州。

金呂，字伊仲；管世富，字成宇；楊國士，字淑家；陳濬，字石鯨，皆去諸生。

徐開呂，字起渭，去諸生，醫隱。清招入幕，不應。

方時俊，字求仲，與何開遠著書吟咏。

何炎，字秀野；弟宣，字德亮，工書。

羅孚尹，字瑕公，何燾，字德溥，弟潢，字德坤，主事棟如子，不應試。子某，殉難。
胡虞逸，字澹喜，野服入山。

吳琦，字粲生，與王之仁善。之仁死義，周旋不避，後借軀報仇，髡鉗隱去。

江寧徐研，字季采，去諸生，爲室芙蓉山，詩酒終。

李若傑，字梁甫，諸生。史可法聘，未赴。南京亡，散家財，持蓋渡江，隱高郵。子霖，亦去諸生以從。

朱胤昌，字嗣宗，去諸生，課徒六合。侍郎李敬將薦之，力辭。後居儀真僧寺。

楊炯伯，字大郁，去諸生，貧不舉火，歌笑終。

王瑄，字玉吼，亦以逸民老。

句容高勅，一名登，字覲之，諸生。喜談經世，家饒好施。南京亡，奔走悲號死。

王晉錫，歲貢，不出。

笪宗鏡，字長人，以孝聞，能詩賦。

張士騮，字次隨，去諸生，卒年八十七。

讀體，字見月，本許氏，楚雄人。世襲指揮使。能山水，聞三昧，精戒律，至南直師之。
隆武二年，主華山。會瑞昌王議瀝兵至，迎款盡禮。清將率數百騎搜山，劍戟如林，駢戮者

無算，血濺縮衣，讀體整威儀，緩步合掌，從容不改。清將異之，得免。

溧陽周鼎昌，字睿伯，崇禎六年舉於鄉。授徒養母。陳名夏素德之，當國力薦，不出。

彭銓，字于衡，歲貢。端雅好施，杜門。

鍾鼎，字玉鉉，諸生。選文斥魏忠賢，忤勢宦，爲所中。抗疏得直，改名鍾離楚，崎嶇閩、粵死。子楚石，亦死於兵。其孫以晟，字元亮，躬耕桃溪，內行純篤，高吟方孝孺集，間以歌哭，卒年八十一。

五。湯泰亨，字仁只，副貢。隱白盤山，門下甚盛。歲遇國忌，輒并食堅卧不起。卒年八十。

鍾龍期，字子猶，副貢，隱芝山。

史顯典，字肇止，崇禎十七年歲貢，不仕。

伊密之，負才氣。國亡繫獄，得免。與傅以漸友；及入相，招之不出。

宋之鈺，字釋宏，崇禎十七年選貢，爲僧廬山。

陳丹，字南士；蔣種芳，字覲明，皆去諸生。

溧水吳國俊，字覲光，從亡海上。妻鄭，不食死。

于汝經，字南陔，賣卜。

高淳胡蛟之，字印度，廩生。孝友。清歲薦，不應。

徐一鵬，字翔徵，諸生，廬象昇師，疏薦不出。弟一范，降清。

孔興伯，字元胄，增生。廬墓卒，年八十二。

夏土豪，字猶興，崇禎十七年選貢。清薦不出，杜門著書。

孫越，字凝之，去諸生，不入城市者四十年。令訪之，踰垣逃。卒年八十。

王錫襟，字可函，去諸生，著述。

湯之孫，字彥仍。陳名夏北歸，匿其家，交深；及相清，招之，不答。弟之典，字幼嘗，

能詩，與夏雲、王明科隱。雲，字夢飛，去諸生。明科，字斐卿，崇禎十七年選貢。

如是，彰教寺僧，精禪理。崇禎時召大內說法，命禮五嶽名山。北京亡後，主揚州遺臣

陳甲舍卒。

江浦張達，字木水，副貢。孝友古諒，不出。

陳所學，字行之，去諸生。椎碎家具，施屋爲道院，結茅三汊河。

夏芳鮮，字文猶，去諸生，授經。

薛畹，字楚仙，去諸生，畫梅。

顏天表，字弓父，去諸生爲僧，居高橋灣，沈湎詩酒。

鄭繼藩，字康侯，去諸生爲僧，名宏惇。

夏疇，字君錫，有文行，居沿湖樓，藏書數萬卷。

崔植，字培吾，詩酒隱娑羅園，不入城市二十餘年，卒年九十三。

六合田治，字古田，去諸生。

季生，佚其名。入山完髮。

大健，字蒲庵，主弘濟寺。

秦崑霖，字誠溥，丹陽人。諸生。以醫名，自稱大還道人。與張煌言弟秋水善。秋水亦遇異人授金針法。崑霖酒狂，笑罵無忌，每髮上指冠，聞者大駭。後西至流沙，南極安南、緬甸，浪遊萬里終。

于美鍾，字達夫，副貢入太學。劉孔炤荐其才。

周士甲，字元甫，去諸生，詩酒隱華甸。

劉元祥，字瑞甫，歲貢，詩酒隱湖濱。

馬宇陽，字夢白，去諸生，入幾社，研易。

蔣清，字容庵，去諸生，任俠，以書畫自娛。

賀迓衡，去諸生爲僧，名米衲。

姜大瑄，字和仲，與毛翎長，皆川高才，去諸生。

孫宏孝，字仁甫，入詩酒社。

荆象衡，字南瞻。父偉，塾江知縣死難。奔喪負骨歸隱。

于鑑，字友石，副貢，善行書，好古。

湯勵行，字處柔，去諸生。

吳拱宸，字襄宗，丹徒人。崇禎九年舉於鄉，入茅山。

邑人鄔繼思，去諸生，賣藥。

茅大用，字順泉，以孝稱。去筆硯爲賈，白衣冠痛哭卒。

楊龐，字仁嘗，去舉業，以相人術遊四方，號六鶴居士。

董虎山，字雄威，與冷之曦友，故衣冠，處小樓。

沙一卿，字介臣，野服。

流寓彭遠，字望祖，江西人。去諸生，至鎮江，不知所終。

于鑛，字孝尼，金壇人。崇禎九年舉於鄉，幅巾終老。

邑人馮宇昭，字爾弢，選貢。馬、阮用事，不仕。當道訪之，踰垣逃。

高東生，字麓隱，去諸生，杜門著書。

史元衮，字補如，割股療母。博學，去諸生。

鄧汶，字長魯。清舉德行，歲貢，不赴。詩酒。

孫太初，行遜。子聞宗，字肇周，工書畫。

祁天永，字無疆，張夫妻弟，從入閩。夫降，隱豸山爲僧，名王和尚，後入武夷山。

吳洪裕，字問卿，宜興人。參議正志子。萬曆四十三年舉於鄉。有別業曰蘭墅，爲一

邑之勝。王釋登、董其昌從之遊，召客觴詠，醉吟陶詩。南京亡後卒。

邑人潘紹顯，字景純，郎中守正子。副貢。陳急策三條，特予優擢。間歸，薦不出。子

廷瑜，字君欽，去諸生。

儲福疇，字九遊，副貢；尹天民，歲貢；許大就，字豈凡，副貢，酒隱。

黃麟聚，字勝生，選貢，爲朱國昌所拔。不入城市。

王士嶷，字以登，去諸生，有德行，杜門。

翟振龍，字起文，知兵。客四川，守成都有功。去諸生，山居。

李亦人，去諸生，長往，不知所之。子引先爲僧，入滇求之，不返。

孫夢簡，去諸生，教生徒，以紫陽學規爲式。邑令欲訪之，不可。

史君奭，字則召。妻周，延儒妹，泊然不涉。延儒遺科舉秘語，火之。去諸生，應貢不赴。

史潔理，字玉璠，去諸生，傾家振卹。

陳貞祥，字孝緒，萬謙，字謙之，尹選，字非衆，皆去諸生。

吳喬森，字遷于，及吳悅可，皆去諸生爲僧。

任大烈，字嵩濤，不進取，吟哦三十年。

路迪，字惠期，副使文範子，騎射推萬人敵，交友天下奇士，入山四十餘年。

鄧秉貞，字予坦，去舉業。

吳永祺，字文剛，郎中鳴虞子，閉戶讀書。

吳固本，字白涵，給事中士貞子，工琴。

王鳴九，字仲皋，以子祚榮死國難，居龍池。

路登庸，字惟孝，俞南吉，字迪時，與曹茂才、萬津微，皆隱采山。

何士林，字伯文，尚書士晉從兄，家封好義，兵荒火券，出財濟困。

儲弼明，字克仁，能文書。妾女死兵，悲憤長往。

李盛時，字中孚，武進人。崇禎三年舉於鄉。爲僧馬山，徵不出。

邑人張天挺，字介侯，選貢，工書。

憚于邁，字涵萬，恩貢，用推官不就，爲僧。

張戴，字魯倩，增生，善騎射，詩酒山居。

巫大章，廩生，刲臂療母，去妻子入天台山爲僧。

孫駿聲，字騰茂，尚書慎行族父，爲慎獨之學，去諸生爲僧。

黃章，字含仲，孝行。師吳鍾巒，去諸生，晚歲好詩。

李高桂，字太升，孝友端方，去諸生，居馬山，野服痛哭殉國諸賢。

錢桂森，字蟬生，去諸生，爲僧天台。

莊元登，字文鼎，去諸生，刲臂療母，母亡卒。

卞煥文，字孕靈，去諸生，飲酒悲歌。

唐獻恂，字君知，沈鼎鉉，光祿應奎孫，吳治思，字寒若，大學士中行孫，皆去諸生爲

僧。

許之溥，字庶庵，巡撫鼎臣子，去諸生，陽狂，遊華山，墮崖死。

陳敬，崇禎末加南賦，以主運至京，疏極陳其弊，詔減尖六米萬餘石，他費率減什五，一

時公卿重之。族人士本，以中書舍人使秦，偕往。國亡，與子士遴隱居。士遴，工書。